

2282.665  
45





研堂詩卷七

毗陵楊維坤

地臣

琴餘集

同家弟四人登金山作

眊耄多年卒未休得閒來踞妙高頭江山絕調又崔顥

謂筮江上先生留題石刻

骨肉論文幾子由繡錯頓疑朝市合晴光不

辨水雲流曾留玉帶今安在鹽豉還銷我輩愁

和道柔九日用有學集中韻四首

口生石闕強掀絨殺書囊不肯開三徑秋花慵未採



一樽江月夢初迴  
偶然行國休  
蘭若亦欲移家就芥臺  
不是離羣起  
遙憶友聲寥  
落暗增哀

英雄醇酒計非荒  
不會逢年苦力桑  
北溟風來思禦寇  
南山賦就棄襄陽  
偷閒一畝拌居陋  
努力千鈞讓挽強

回首龍潭空  
淬礪篋中羞  
說劍如霜

憶癸酉秋事

薄寒初中數更籌  
有夢何曾到十洲  
梧雨生憎郎近夜  
草蟲無賴士鳴秋  
祇應大白浮螺尾  
敢冀蒙戎換雉頭  
觸處荆榛迷進退  
百方難破一城愁

失者何如不著高  
爭先占道總徒勞  
已嗟縹緲月中斧  
又笑荒唐頭上糕  
路盡甘同涸轍鮒  
棲卑安望冠山鼇  
獨憐百藥恩勤意  
不料匪我直一蒿

雨牕即事

晴久坐忘懷  
一雨覺興索  
澀勒撼牕櫺  
寒風吹檐鐸  
霰集先有徵  
世事寢寂寞  
布衾冷於冰  
敝裘不改作  
歛聞車駕來  
延領陽春脚

雪

天末渾無跡  
窻間亂作聲  
褐毛沾不溼  
屐齒印還平  
點硯融成汁  
投鐙淡有情  
怪君饒世態  
得閒便鑽營



雪霽

碧宇晨纔啓金鴉倍有神隴頭橫匹練屋角現層鱗草  
醒心猶結花寒意漸新一元應早復賒得幾分春

時距立春七日

除夜

用友人  
餽歲韻

不用椒盤辦夕餐年來戶小怯杯寬煖爐懶貯三朝燄  
冷蘂愁看一點酸果實漫將充鼎鼐几筵如見嗅梅檀  
懸知靈爽留瓊苑歲歲今宵控玉鸞

癸未清明後四日恭遇

巡幸回鑾至錫山瞻仰之下謹紀一章

飛龍來眺九龍峰北闕何曾隔九重茅屋寒溫行幄悉  
袞衣濃澹小窗喁祇林剪綵摹春苑別業堆盤祝華封  
誰解重瞳專注所半山紅雨點青茸

上巳坐雨有懷故友董二用右丞寒食城東韻

闌風斷送妖桃李杖頭欲買江邊芷無那留春少一人

悠悠不返東流水遊絲最戀落花間青衫早染紅塵裏

當筵小嫵哭三生

伏殺當筵小嫵兒  
董紀山左事句也

千古蘭亭空上巳

董以是  
日生歲

卒  
在巳

家四弟春闈不第詩以解之



聞人膺鶚薦惜爾失鶯遷雖蹶家千里猶先我一鞭夏  
來牆有蠍客久甑無煙早作團圞計晨昏白髮前

賦得久雨積幽抱

二十四番番作惡迎梅雨借送梅多已愆雅會還遲在

莫負花情奈晚何曬藥有心占帚婦

范石湖詩云帚卜拖裙驗今俗呼掃晴孃喚

茶無客賺鸚哥出門何處銷愁思水漲雲尖柳拂坡

有感

鼠姑花放膩雲時靜掩柴關少客知天泣想因同調歇  
今年不作看花詩

予別趾肇於都門三載有半矣昨夢登一小樓  
見趾肇據牀而寢令嗣某向予談禮闈事似有  
不平之意醒時悵然詩以誌之

春時胡不夢夢友最難忘况繫同心結三年天一方高  
樓勝舊館帷幕猶蒼涼昨聞象賢起開書喜欲狂家弟  
同聲應重訂曲江盟叶不意共蹉跌鵬翅未全揚春明  
柳眼青豐臺芍藥香君鬢庶未斑念之鬱中腸

郊行

乍晴挂高屐薰風借便面梅水溢平隄楊花飄似霰香



市艤輕息人行逐飛燕無心事遊矚雅意營壇墀時有墓事

辛勤行脚僧草率伊蒲饌日暮歸牧閒津頭看下胃

橫山

吾邑了無山芳茂獨標勝山舊名芳茂因曹橫將軍葬此改今名夫椒亦稱雄昔

非延陵境叶夫椒山舊隸梁谿生長君子鄉神往將軍廷林木散翦

翳岡阜互綿互蓉湖滙其東水光嵐色映古甃發潛靈

崇薨答休應事見邑乘西崖拓招提清梵傳鐘磬僧舍有清梵堂為董文敏筆何

年動紫氛宛爾一蒼徑信山不在高有靈名則令舉足

成勝遊奚事冥搜競

僧舍月粉花

沒骨花開著雨新潮紅按月緊撩人如何却在維摩室

錯莫圓通現女身

懷伯兄久客黔西

何事依人度七盤稀聞尺素報平安三年官舍秋風冷

一載靈幃夜月寒伯嫂奄逝已暮縱有抱孫盧全長男知稼穡尚餘通子

覓盤餐幾番池草虛春夢堂上承顏未肯歡

長干道中

恩波已浩蕩詔使適至行處生感激有輿過長干町疇爭打麥



綠蘋簇黃花鳴鳧亂如織喬蔭濃溪流平山淡天色小  
憩拭塵眸秧馬正凝碧夏稅雖粗辦秋糧復當迫息事  
兼寧人敢以告司牧叶

贈醫者

扁氏難兄弟由來最第三

其人恰居叔行

神分上池水技妙雒陽

南丹訣人希邁青囊世豈諳上醫醫及國應拜李兵叅

次韻答道柔

琉璃冰簟竹風清高枕長吟我友聲紅藥開時懷舊燕

碧荷香裏愛遷鶯

謂道柔新居

交疎幸免清流禍網密宜防惡

語輕

偶感近事

落落晨星何處所太邱車杖德星明

七月七日邀金沙周東會同道柔小飲觀東會

書法

有客歸自蓉江邊具言道上一尺箋其人恍惚至一所

鸞鶴翔舞松柏妍青衣垂髻接引入殿角隱隱聞鈞天

中有主者莊嚴坐云是織錦天孫仙鵲橋烏駕成底事

淫詞綺語徒訛傳爾為端人其告世無犯天譴仍前愆

余聞此語啞其笑文人之筆何蜿蜒渡河佳話洗窠臼

莊語豈療詞人瘼華陽周子蘇朱書西林陳君風雅賢



今宵兒女爭乞巧何幸兩巧當我前月團石乳恣水厄  
銀瓜雪藕充加籩酌以蕉葉借蘇例二公性俱不飲主人偏學張

顛顛笑謂草聖胡不飲一杯一字粘腸前侍立小史工

確墨濡毫定擬揮雲煙誰知謹嚴不輕下故作蠶尾銀

鈎卷兩美必合古所尚從此不朽昌黎篇謂寫研堂歌記小楷大

字無不可誠哉有筆能如椽追歡竟日晉人調安用促

管兼繁絃叢編鬼怪略說盡談次頗及李赤傳世上機械徒紛然癡

心女隸信穿縷當堦不見明河旋今夕何夕幸不辜鶯

朋鷗侶真良緣兩賢行止各稱意東會宿小軒留道柔不得雨打街鼓聲

田田會

道柔見示七夕紀事詩十五韻依韻奉酬

茅堂牕射赤竹舍座含青露氣銷三伏雷車掉六丁時方禱雨

妄思神女雨何處楚王萍健筆蛟螭走雄詞斗漢熒真

堪千古事不數太玄經配以蘇公賦鐫之雲母屏屏間已勒坡公

詞今鐫歌記於楣上高瞻眸奕奕細嚼齒泠泠有客須投轄無魚莫化

冥應時謀巧餅到底署愚亭久鬱杯能瀉初涼夢獨醒

寧嘲箕踞傲肯觸網鉗刑乍失黃姑象還占處士星更

深紛促織燭滅點流螢雜草儲霜刃澆花辦水飯年年



尋此會莫愧北山靈

石塔新塋即事二首

癸未中秋後八日葬恩撫庶王母趙孺人用先王父遂初堂集中葬朱太

宜人韻

倚廬髣髴憶平聲霜露無端已再更我本孫行同愛子

誰云死葬定親生他時難必牛眠效此日重追烏哺情

叮囑兒曹長保視須知養志在斯塋

壘石封圍亦幾巡遲遲窀穸豈無因只緣呼吸如毛裏

却信陰陽問鬼神愧乏豐碑將墓表敢令抔土與膚親

十年會見松楸拱幾輩曾玄任採薪

### 感懷一百韻

搏土期三樂懸弧兆四方鴻冥從祖志

是時大父致仕顏其堂曰遂初鵲起

在孫行繡祿鳴珂里含飴樹玉堂掌珍差足比蘭茁愧

難當顧復驚啼處提攜行樂場鑑湖縈一曲西野鬪羣

芳鳴珂樹玉鑑湖西野皆紀實地語

燒蠟憐蛾雀羅隱燈詩雀戲蛾飛不敢侵

吹簫想鳳凰歌翻

春白紵舞按夜霓裳拂塵排童史擎盃列艷倡適情非

導慾善教不須防保姆晨昏護經師言行坊芸窻常矻

矻繭室

幼時讀書處

獨嗶嗶忽訝箕星隕還看萱草昌清嚴設

門禁甘苦茹糟糠禦侮勝衣怯持家帶讀忙八年時雨



化

憶吳廉叟師

三五泮芹香尋看鍾山桂那知鐵硯桑策書凡

四上文戰十餘霜後勁人堪畏前茅我亦張蓉江暑病

劇句曲水災傷官燭三條燼書瓊一夢荒有時逢謝泌

終鮮遇孫陽掉辭交英雋傾心結老蒼分曹逐鹿健并

力挽弓強槃敦從牛耳纓簪合繡腸丙丁羅縹素甲乙

互丹黃月夕齊敲句花時共舉觴倘能知肺腑不用樹

門牆白雪推同調青萍訂小章磨礪雖有益濩落一無

長漫道離鄉校猶然繫上庠逡巡懷襴刺踴躍走康莊

煙柳還遲折鶯花早促裝停雲望浮玉

美中叔饒別京口

跨鶴去維

揚江勢雄天塹淮流溢遠疆緇塵驚革面皂帕駭新妝

歎息露筋廟留連漂母鄉斗牛墟奧衍齊魯域方將雷

澤傳神怪瑯琊互杳茫泰山巖仡仡宿海派湯湯傾蓋

亭名古圖仙閣紀詳大風觀未了勝友遇非常

邂逅雲間張周諸公

水驛嗟濡滯山程好酌量褐衣殘露溼席帽曉風涼拭

髻將詩寫投鞭索酒嘗荒雞沉黑月客枕幻黃梁草店

人偏滿蘆溝馬竝驤欣瞻周道砥忽覩應門將九市塵

埃合萬家煙火穰遨遊周魏闕流覽遍巖廊閭闔千重

邃琉璃五色光相將入瑣闥

因叩請試期至此

循例謁儀郎一試雖



云小相知未敢忘門生稱得補陸次山先生司鐸毘陵予時尚未采芹適轉儀曹試卷却被首薦國

士遇難償宗伯王慎菴先生知遇極厚結網收麟鳳披裘乏鷓鴣妄思脫

毛穎誰為達圭璋浪說七襄巧徒然百鍊剛才疎違窾

卻性拙挫鋒鋟棄置孫山外低徊易水旁渾如涸轍鮒

儼似失林麀亟返衡門駕閒尋一葦航湖山堪笑傲步

屐任徜徉虎阜攜尊好龍峰落帽狂吳儂嫻管蘧越女

狎鴛鴦月榭圍紅蓼虹橋帶綠楊酒家牽玉絡漁父傍

牙檣梭杖來禪舍花筐掇野棠鄉儻逢伍相茶市說蕭

娘峰為飛來妙泉宜冷不妨高僧延洞壑幽鳥答松篁

晞髮孤山麓餐霞百丈岡博聞鳴石鼓浩氣射錢塘歷

落故可笑崎嶇未肯遑蒙頭羈旅邸頽頽號賢良冉冉

六週曆忽忽三月糧癸酉冬歸乙亥復入都居一月丙子試南闈已卯復試都下裁成新錦帙

諸同人和予留別詩積成一帙整頓舊奚囊空谷偏維繫平原董公勉留旬日青雲未激

昂荆山悲再別董澤負重創磨蠍生來犯參商笑裏藏

迂疎甘襍穢憔悴避姬姜蕉夢今番醒蓬心昔自猖風

霜添眊矐簦屨更踉蹌幸慰手中線方求海上漿橘懷

慚未展柏操痛云亡劉母何曾報盧丁辱厚望多愁焦

鬢髮痼疾中膏肓解脫便西域歸休總北邙未能離孽



海作意斷名韁喪葬支撐過婚姻草率商但須學尚子  
慎勿蹈馮唐老婢勤機杼獠奴課稻秧投竿思鱸鯉濯  
足愛滄浪徑僻滋瑤草雲深護石牀攜琴穿竹塢看奕  
到山房砌上花成錦檐前鳥弄簧垂簾焚腦甲列椀品  
旗槍夜靜吟招鶴風清曲和醬紅爐煨芋子雪酒浸松  
肪丹藥隨時得蓬萊即景將壺中寬歲月此樂未渠央

研堂詩卷八

毗陵楊維坤地臣

南邱佃漁集

南邱十詠

眠柳

前灘千樹碧煙浮纔占春光不自由裊裊臨風情似醉  
依依帶雨態含愁醒來趙燕柔無骨睡去崔鶯嬾沒頭  
誰把蠻腰粗髻髻寫生妙手苦難求

語云画樹莫画柳画柳便出醜

新松



一畝宮旁幾萬株龍鱗隱隱具規模此時栖日思君子  
用孟郊語他歲參天拜大夫蘇色乍生龜伏未濤聲微動鶴來  
無挹泉煮芥當前事何必聽松問舊途

漁磯

綠陰隙地水西東沙嘴堆平恰一弓拍浪兒來栖竹瓦  
魚蠻子去賸茅蓬近依鄰舍時攜酒險避江湖足煮菘  
猶笑披裘招物色不如混跡獺狙中  
東坡詩一飽便甘  
寢何異獺與狙

渡艇

招招熟識不須呼信手輕篙刺澤蒲開歇時從紅日定

往來人與白雲俱潮平驟閣沙坡淺雨過閒橫柳岸紆  
不是青蚨專利已半全王政半浮屠

牧笠

小笠無分晴雨宜兒童管取適游嬉掉頭不待登高落  
露頂非關沉醉歌鞭影揚來同頰者蓬聲吹散各糾伊  
雲山十里分明見點入斜陽雁字移

梳燈

軒轅剗木燧人侵百尺竿頭爾獨任飛到陽烏臨水面  
穿成火齊映波心豎橫排字聯星象下上隨時擺月陰



夜靜江干曾紀異為傳詩伯到如今

荷鋤

田家行李隨身伴破月翻雲在此回說彼平生僕復偃  
告予春及去還來有時帶水擔蓑笠每日沾泥挂草萊  
寄語蚩蚩人莫笑東臯下溼有奇才

獲禽

不張羅網不成圍農事偷閒小作威手爆一聲雲外落  
宵囊無數月中歸老饕邂逅猜多少稚子喧呶辨瘦肥  
會得蒼翁仁厚意何須冥報悔今非

槿籬

舜華浹歲著枝叢密插何妨仄徑通一色開齊錦步障  
四圍環繞翠屏風朝榮姊妹承恩寵夕隕蜉蝣順化王  
縱少柴桑松菊意也堪護藥在牆東

豆棚

葉復齊兮奈爾何索綯引蔓比牽蘿清歌試茗理一出  
閒話乘涼說幾多坐井觀天休笑我密雲不雨正憐他  
打量秋扇同拋棄長日方吟安樂窩

贈桐臯上人時以登金山石刻見貽



妙高臺上記吾曾奈爾才多健筆凌遠挹山光連估舶  
靜看堦影到漁燈錫隨飛處花為主杯任浮時月作朋  
蓮社詩筒知己滿別來幾費剡溪藤

遣懷壘前韻

三言成虎竟何曾多口由他恣意凌無病晝眠耽嬾架  
拋書夜坐負明鐙倩良工新製書燈而嬾於讀荒園悔作林花主空谷拌  
為麋鹿朋從此人間應掃跡半生猶不困長藤

訓子

人生天地間富貴非可期太上務立德末亦上文辭文

辭本學殖精勤而荒嬉不見昌黎韓養根積膏脂醇而  
後肆焉沛然其出之小儒事吞剝譬若山鬼魑一朝見  
大巫氣索呈其媿立志在初服便爾霄壤岐憶予年十  
九震索得起兒予時方銳志呱呱泣勿慈二十驟都會  
三十淹京師今年行四十蹙蹙安所之起兒如我長抱  
子將及時阿恒已成童羸質聊支持讓子垂二七文義  
亦粗知都非愚不移要止中人姿不學斯為下不教責  
在茲人各治一經授以易禮詩易能通造化吉凶動則  
隨執禮用檢身斯須不可離詩本吾家學風雅為俗醫



與爾作麴蘖津津長繹思著文貴說理毋爲識者嗤大  
聖惜寸陰况乃在等夸學成良自慰利鈍歸之時勿譏  
繳鴻鵠勿刺佩鰈鱗人謂稱其家庶幾清白遺

反短燈檠歌

并引

吾鄉有錫工趙某者爲予製短燈檠精甚因思退  
之當年作歌大旨悲世事之無常歎人情之頓易  
也士各有心胡爲至是哉作反短燈檠歌

短檠

去聲

一尺焰則長置我几案奪月光焚膏爍眼繼永日

輕羅作伴乘新涼託爾結花恍太乙來觀穉子羣扶牀  
秋風瑟爽茂陵客畢竟讀書非下策家徒壁立本無傷  
短檠相看到頭白山珍海錯盈食前吳姬如花擁背眠  
子夜歌呼還未恣琉璃徹曉燒空翠願言得志君弗爲  
吁嗟短檠終難棄

七月七日曬書有感

并引

昔大父嘗跋先世遺篋云古者球圖之屬藏之宗  
廟世守弗失下至士庶即觸礪之物無不寶愛之  
者因先人之手澤存焉故也世俗之輩創以膏腴  
廣廈能守成弗替僉謂幹子矣至書畫玩器之類



售而得金錢則喜不亦棄如弁髦夫前人重之子  
孫委而棄之豈孝思之所宜乎余每誦此語不禁  
悚若冰淵而既乃泣然泣下也彼玩物且不可褻  
視矧書以起家以傳家尤先澤憑依在是竊見今  
之人有鬻藏書而爭先自喜者甚有竊父書而不  
識首尾者良可浩歎余非敢自多補前人之所遺  
從吾性之所好而墨守之固奚啻裳衣宗器耶蠹  
魚有靈料應避舍

報道天孫織錦成當庭絢爛散瓊瑛  
胸中自分無千卷  
眼底猶誇有百城寧可疑塵埋老蠹莫將出匱換腥鯖  
旁人漫笑吾言過南阮何如北阮情

偶折紫薇花作瓶供

此花舊說禁中栽竹舍何緣特地來也為炎天思避得  
清涼一勺換君胎

庭有雙鵝

右軍腕力笑徒勞留意何如寓意高不換不求非不愛  
人情淡漠始堅牢

閩蘭二首

并引



石堂言卷八  
余先世宦閩攜蘭數十本譜以侈之歌以旌之浸  
淫林下幾及廿年於是毘陵頌蘭藪者無不首遂  
初堂也及余合卺之歲尚有二本明年奇寒墮指  
失避春風舊物遂絕今余子且合卺又廿年矣雖  
時購諸客所亦復隨得隨敗無意培之矣間有餉  
一枝者寶愛彌甚吁物以少爲貴大率如是而盛  
衰之際不覺感慨係之

名花空向舊文搜鳳尾曾標第一流三徑清風元不改  
廿年不見霍生遊

折得鄰家三兩枝幽閒鼻觀想當時更翻列品羅鍾譜

羅鍾齋蘭譜  
張應文著

何必身從閩嶠馳

象月八物中秋偶賦

月洞

誰將天上窟置我棟楹間遙睇疑懸鏡神遊訝轉圜參  
差筠掩映出入鳥綿蠻更可容平步吳剛不用攀

月池

清光舉頭在俛影却成三窈窕涼亭北灣環秋樹南上  
弦新漲滿畫缺宿煙含我樂儵魚共相從碧落探



月琴

既與仲容殉胡為更此名

本名阮咸唐元  
行冲改今名

唐賢真好事捉月

却求聲清似秋空皎圓常皓魄盈一彈知任達馬上別

離輕

月石屏

風雲開硯北咫尺廣寒宮自是玄精巧非關玉斧工虹

霓輸醞藉雲母愧玲瓏翻信遊嵩語天人匠氏同

月硯

碧落銀潢下天然影半弓蟾蜍五合飽鵬翼一揮雄四

足形疑瓦端方字豈風鈴山堂已毀此硯屬誰翁

傳說分  
宜曾有

月枕

羲皇高枕樂巧製半規安警睡非圓木遊仙未彈丸瓊

樓夢裏幻瑤兔醒來看何必青磁授垂頭即廣寒

月兔茶

手閱月團片

玉川  
句

盤中玉兔肥鳳鸞都退避環玦兩依稀

顧渚當牛渚鴻衣豈羽衣

併用陸鴻漸野  
服霓裳羽衣事

天容君自寫鬪試

雪霏霏

月餅



題糕時未至散粉令初更經齒千層雪膠牙一捻錫襍  
開香乍落刀剖魄哉生真贗形雖混何曾照樣明

吳中攬勝目不暇給題三絕句

高峰猶見大宗師雲散泉流總辟支萬頃具區朝石屋

一潭止水祖龍池

登堯峰過退翁禪師塔兼贈蓮碧道人

靈巖嶻嶭表吳風策杖尋芳丈室中不分天花真亂墜

恍疑身到藥珠宮

靈巖看栢

支遁高棲信快哉東南第一此崔嵬罡風試出遊人膽

翻悔當年不早來

上支硎山蓮花峰絕頂和石壁間韻并憶舊遊未臻此勝

甘蕉花行

并引

先是癸丑歲南郊水月菴有此花俗人喧傳為甘  
露至有茶酒肆以憩觀者主僧遂詭其說以圖興  
建先大叅辨之詳矣載遂初堂集中茲甲申九秋  
復見於龍興禪院喧傳縱觀如故予與二三素心  
冒雨而往聊以遣興忽覩扉上有疏稱甘露花開  
菩提果現且云地占文峰當建高閣以忻動士人  
為斂貲之計因笑天下之善作誑語者莫此輩若  
也故作歌寄慨并以遂先人之說云



學詩多識洵非誇真謬了然無遺些嵇含徵信狀艸木  
 世上傳訛徒爾譁甘露無種自天降甘蕉南越來槎枒  
 羊角牛乳瀉子別漢宮植奇非休嘉浸淫澤國各散布  
 精藍得所花空奢卅年吾地一再見愚夫目餒爭吁呀  
 摩肩跋踵晷無隙燕檀頂祝佛陀耶百千萬竭此難遇  
 粗茶為市僧貫家誰知劒津綠天館無歲不發千餘花  
 大樹五尋小十尺殷紅巧白紛如麻剖而甘之久厭棄  
 卉人著說同凡葩多賤少怪等閒事披襟絲雨遊情賒  
 時同遊者為林子仲  
 勝鶴栖暨猶子方達

集道柔六有齋二首

為六  
十壽

文壇小戰識同儔

予年十七時學使趙閔仙先生歲  
試名次與道兄相接遂謀面焉

便爾傾心到

白頭索札依稀千往復定交荏苒廿春秋花時有分常

聯坐酒國無緣不厭畱

道兄性不飲  
而不棄予

最是一椿堪笑事臨

岐薄送又偕遊

每過從彼此交  
送至竟日不別

新葺閒齋井里東筵開星聚少微宮主賓通算千年半

兄弟偏生四日中

十一月十日為道兄  
誕予則初七日也

碧釀儘傾茗盃白黃梅

低亞竹枝紅歲寒自稟吾儕性不逐春前桃李風

聞青門邵先生訃



艸堂小記正鐫成

先生為予作研堂記抄秋始鏤板

欲寄東軒別有縈忽報

堯夫觀化去敢遲李漢拾遺行鯨魚碧海誰同調蚯蚓黃泉竊作聲我為先生應輟筆不從人世浪求名

甲申小除前一夕紀事

羞說王瑜又九年書堂鐵硯尚依然嗶嗶漫信人從古咄咄今知俗自賢殘臘半壺銷短夢新春一曲當長筵

結廬已卜鞭牛日只願兒孫學力田

構艸廬於南邱

研堂詩卷九

毗陵楊維坤地臣

復醉集

乙酉夏五雨餘同家姪則待登城遠眺

連朝風雨鎖幽居摻手城臯信所如雲影不分栖樹鳥浪痕疑送入曾魚歸農野艇行無礙逐世緇衣態未除

有僧攜榼疾趨

極目浮圖天外起鐘聲幾度喚愁予

喜晴擬過南邱草廬

阿段來從雲在莊新栽黃菊幸無傷不煩掘地歸湖潦



可卜參天透水秧，疥癖修堪下榻蟠。根剛洗好乘涼，  
他時結得東籬社，呼取池鱸飯上稻香。

暑雨歎分用少陵秋雨韻得第一首并引

歲在旃蒙作噩仲夏之月大雨匝三旬天心尚未  
悔也回憶冬月恆暘幾二百餘日而今復恆陰蒼  
翁仁愛胡不平若是因過郊外草廬目擊神傷歸  
而與林子萼庭家姪則待檢得杜集秋雨歎依韻  
分賦一首敢曰效顰西子亦作田野董狐耳

溽暑禁足泥滑滑出門詫逢秋色鮮灘頭披靡紅蓼穗  
橫塘不見青荷錢纏舟檻上衝濤急萬象蒼茫難久立  
老農欷歔空怨天誰解無言天亦泣

次賀拓菴先生韻為紫庭弟三十

排肩羣季喜珠聯爾我平頭間十年鉏穀慙予非白傅  
濡毫愛爾學張顛不分清俸攜湘水適歸自襄陽長兄署賸有新詩  
入蜀絃萬卷樓中先澤在未須桃李啓瓊筵

浴湯泉在句曲

六月征人欲踏冰何圖有水沸如烝乍遊幾入秦皇幻  
未及問禁誤入女池餘臭還將妃子懲清為地偏畱墨客冷須塵盡



待高僧

用僧可遵遊廬山湯泉詩語

幾時脫却炎暄界  
磴礧松陰一枕肱

龍潭

龍潭倏爾駐飛龍  
螭舞蛟騰作隊從  
不道池邊孤鵠立  
踉蹌折翼莫為容

華山觀大士銅殿出道上口占

律宗第一山南海非深塹  
水陸已忘機何處落凡豔

謁明祖孝陵請瞻遺像二首

勝國開天遠山陵保護難  
碑題神烈在

大碑署神烈山三字

柱刻古

文殘宸翰今親灑  
中官舊禁攔却令蟣蝨進肅拜膽

猶寒

聞道龍顏古犁耜  
妙筆傳焚香儼如在展軸認茫然故

紙能墨守金甌不瓦全  
此中費玄悟欲問老臞禪

予與衛少生同年月乙酉仲冬適屆四十偶檢

得宋人李商叟壽周益公詩有潞國同生丙午

年之句因用起韻投之索和

潞國同生丙午年兩人纔隔月之弦

予以七日生衛少則二十四日也

謾云鍾

李慚非匹况是孫周敢占先  
雲樹幾番猶未了

衛兄連年奔走四方

雨花偕上又徒然欲將狂興銷  
愁思長至長筵不夜天



長至正在七日約為燈會

壘前起句紀年四首

潞國同生丙午年惟予磨蠍竄蘇僊十三早慧聲已矣  
四十無成謗翕然酒債幸非錢債逼詩魔且却病魔纏

前一月病瘡

南窗不遠來知己幾樹黃梅傲雪天

潞國同生丙午年臣今未老不能前功名漫託空花境

耕織還從古意編

新製燈二為汾陽將相圖一為臨風圖

聊倩笙歌招鶴侶預支

燈火當椒筵吾宗自昔多通論行樂隨時即地僊

潞國同生丙午年圖中白傳又何緣

檢得名手香山老嫗聽詩圖乃丙午年寫贈予祖者

黑頭且喜為人祖

今歲得一女孫

黃髮多應學老禪前歲粗完畱

研志

癸未研堂成

明年不沒義田錢

擬於丙戌大葺祠宇

醉吟自傳渾多事

牛馬隨呼與化遷

潞國同生丙午年敢希壽比洛中賢當年與會八百九

今日逢辰萬四千料我積容難寫照賒人佳句作圖傳

感諸公示詩

寄言世上貪求輩五福何曾更有先

訓衛少見和之作即以為壽

潞國同生丙午年陽生春動武陵先多才豈但堪兄事

夙好何須作客延恨我愁添隨一線羨他喜到滿於弦



即君乘龍即  
是月八日

明年偕有含飴兆同甲尋盟世世緣

臘月星迴節公祀唐太傅香山先生於深柳讀

書堂以飲福例為醉吟雅集時與座者錢煙谷

胡芋莊陳道柔家南樓徐翔念呂蓼庭龔衛少

釋達方與予共九人做履道坊故事各賦七言

六韻因達公不稱詩而工畫屬圖長卷予又題

一絕贈之

履道今看僻水鄰

讀書堂  
近泮宮

故交又見一番新已辜叢桂今

秋月預借羅浮隔歲春天上少微湖上士

同人故居多在  
震澤陽湖之間

洛

中太傅社中神壺提丹井仙家乳盤薦雲谿水族珍酒

熱且掀髯似戟雪飄那管鬢如銀侵凌暮景飛騰日便

占香山第七人

齒敘及予適  
合先生位次

九老圖成儼若仙詩豪原仗畫師傳當時招得雙歸鶴

何似中藏一輞川

正月二十日香山先生生世壽辰醉吟同人集

草堂設湯餅讌更得詩僧庶菴亦來斯會限香

山為韻二章又依興化池亭詩例各賦一言至

七言詩一首以題為韻予得賦竹



香字

兜率天人樂未央降辰紅縷補天長千秋弟子詩為禮  
一醉先生壽且康巾履逍遙元老樣鬚眉倜儻洞仙行  
虛龕不是荒唐說彷彿拈花笑語香

山字

琴樽池上早投閒湯餅還宜泉石間老嫗今朝應佐饋  
令威此席定隨班水仙花供燈前艷羅漢松看月下彎  
陋室私心題壽白擬置一榜敢教人號小香山

賦竹原章式

竹遮廊偃谷影瑣金聲碎玉嗤彼牽蘿鄙他食肉客畱  
晉賢多飲泥唐逸六長伴蒼顛榦青偏襯冰魂葉綠春  
來猶是歲寒心不似楊枝風絮逐

代簡寄孫筠庭效潞公貽王宣徽體

長安似奕碁君豈忘前約

予已卯北行曾示長安似奕君須悟之句

霧豹望名高杯

蛇防俗薄舊臘新春訂醉吟耆年強齒虛中爵行乎胡  
不歸踏花乘燕掠一洗庾公塵便共香山樂

題紫庭柏下讀書圖二首

六言

丹黃手澤萬卷盤礴豈釋一編呼取醪醕澆下何妨白



眼長年

歲寒良友云三竹柏得真已二我昔號蒼顛生子應填

玉頰士

二月望日延陵書院講席

用遂初堂集  
中季子廟韻

君子鄉猶在微文仔細論晨鐘綿絕禮

予謬列  
教習

時雨杏花

邨律呂分妻子坤乾索弟昆他時攜幼至乳燕話橋門

清明後三日醉吟同人集呂子蓼庭元復堂席

上摘得會昌春宴聯句中語為題分賦五言六

韻時玉蘭大放又即事各賦七言古詩一章

陌喧金距鬪

劉尚書句

好事由齊俗爭端起郈讎聾丞驚寇至短李困圍週偏

鼓僂童掌尤花醉客眸作威風捲地抵死氣吞舟未許

株為帥誰云木可儔兩雄休力敵一籠太和收

贈玉蘭主人

玉帶橋東玉蘭放色香無種疑天上唐昌觀裏說嫌名

李衛莊前原別樣摘詞耐可借白華補亡取義侔晨葩

主人將母手將護根株斗大花如車今朝醉吟齊笑指

一片冰心只視此離披酒態倒垂枝醞藉詩情半含蘂



夜深燭跋越精神  
夜中照眼光分銀  
溫其玄圃思君子  
猗與空谷知幽人  
憶昨相將履我即  
重君比作揚雄宅  
浪傳亂竹與飛花  
爭及仙姿臨綺席  
瓊英未許擅無雙  
燕支多買曾何益  
萬花錦繡百不如  
上座詩翁端姓白  
遊安陽翠微寺

故廬西山有寺山之陽  
巋然峙山麓原始從蕭梁  
夫椒面插雲吳越爭巖疆  
左顧圍長腰九龍翼相望  
右盼勢足敵陳灣  
啄鳳凰俱山名地靈高人居  
脈厚成道場寺為梁中書舍人陸舉故宅  
山色即寺色遙景沉  
晨光螺黛點滄莽  
煙鬟結混

茫寶座綵虹護  
葉底飛薨藏南湖  
碧浪浮前邨遮綠楊  
垂千二百年遠山名故長  
原名遠山宋太平興國改今額鏞鼓響不絕  
伊蒲自生香雖無兵燹厄  
歷劫終蒼涼殘僧祖席虛  
斷碣宗功揚成化間先叔琬公修徙倚一吟眺  
何當復輝煌

三月二十四日原香山履道坊舉尚齒會期醉  
吟同人集煙谷錢子月舫各賦居止古蹟五言  
古詩一章又和白集薔薇花聯句原韻聯句悉附卷末

宿鳳亭予居城東北隅興賢里趙宋時鎖院地也邑乘載其北有宿鳳亭咸淳中太守史能之建亭前古柏蒼翠取子美香葉終經宿鸞鳳之句故名



仁獸遊樂郊靈鳥辟枳棘何年古柏森太守諳消息幾  
曾見來儀懸揣若目擊築亭錫嘉名錦自杜陵摘阿閣  
詎足誇丹穴就中得雲霓會有期香葉卜其宅動植兩  
欣然物情洵不忒而况憩於斯人心自怡懌咸淳國步  
艱修舉猶堪撫不謂文明時茲亭杳難即衡門托芳鄰  
蒼徑風期昔步閒度長年胡為徒戚戚

立夏後五日醉吟同人集徐翔念齋中分題詠  
古二律又和白集首夏猶清和聯句原韻

雷煥劔

物華天勿秘世寶數難違離合偶然事顯藏達者幾延  
津渾夢幻豐獄本知希悵望斗牛上千秋紫氣微

桓伊笛

絕技與知名相逢兩葉萍車來容易下奏罷幾曾停小  
字忙中喚青谿靜處聽若令交一語便不是惺惺

南樓叔氏將賦北征醉吟同人咸集祀太傅於  
樓頭因讀公與僕射尚書聯句有三春向晚四  
者難并之語芳菲欲過宴慰牽情各用古歌紀  
事以文與可九字句陶先生歸來但尋松菊鬪



韻分賦得松字

平分四時啓閉功太皞令弛迎祝融絳萼飄墮碧陰濃  
 幕燕拮据筋骸慵狎獵銷日興未窮十旬六享香山翁  
 作意辰景長相逢榴房簇眼戎葵紅芰荷紛郁金粟叢  
 一杯千首情萬重吾家嗣宗行胡息坐令雅會難久悰  
 人生聚散何常蹤南北契闊物候同豈無秋思鱸蓴中  
 籬角菊黃攢青松此日足惜心忡忡為書舊句緘郵筒  
 醉吟先生五柳風

贈南樓叔應徵北上次畱別原韻

宗袞吾方負笈謀何圖梁苑趣同遊平章合上翔鸞閣  
 瀟灑難拋乘月樓國士無雙加舊禮洛吟欠一動新愁  
 敢輸東野憐瓊意用孟郊送從叔簡語欲折青條且斲畱

贈庶菴上人

僧臘自乾坤樂國即城市空庭天女花公案柏樹子一  
 塢白雲深半畝露葵旨無怪鳩杖人肉味淡於水  
 贈褚鍊師真一兼訊次兒振裘二首

少小知君道盍然丹砂願學欠良緣仙家巧度予私淑  
 犢子何妨教老健振裘從師學養生之法



金丹父子不相謀只為沉疴望少瘳呼吸懷胎知訣未  
還將九轉向師求

觀蓮節醉吟同人集道柔六有齋分賦得三七

言間體

將置酒西林池靈風習習先驅馳尋舊盟不速來音乘

涼直指葛橋西揮白羽解絺衣後閣逶迤導故知予凌晨先至

含湛露浮清暉慵粧澹抹千百枝游四目攬離奇綠絲

縈匝清漣漪遲去聲衆賓佇移時蜩蟬高噪鼃期期登菱

棋奠一鴟白翁祇遣六逸齊芋莊以病不至在座凡六人嚴觴政縱諧嬉

紛紅遙映酡顏宜鼓幽興綴韻事市之切画眉弄舌金籠攜

得酒名屢舞傲狂言欲比漁陽槌夕易下水氣微餘香

鼻觀去聲青眼迷主情重醉無歸鄰家簫管聲依依

八月望日同人公祀香山先生有詩紀事并序

弔古人者以騎箕之辰為重予於正月二十日既

為香山先生壽矣諱日之典自不可闕因按先生

年譜以會昌六年八月薨而亡其日爾時宣宗以

詩弔之曰綴玉聯珠三千首誰教冥路作詩僊又

讀先生客有說詩有海山仙室之語及應歸兜率



之答所謂客李浙東君稷也言有海賈遭風飄海中一大山視其殿榜曰蓬萊旁一院扃鎖甚嚴花木盈庭中設几案或告之曰此白樂天院也載盧肇逸史唐小說事多誕今既見公詩當亦不謬嗚呼公即自謂非仙自後人視之得不謂之仙乎即謂仙佛一轍亦奚不可豈必沾沾宣宗詩仙之目耶今擬八月望日作公仙遊之期集醉吟同人公祀於葆光道院對月享餽以詩為誄予先賦蓬萊二韻同人遂各依聲公而有靈諒不我吐

今古年華似轉蓬海山仙去幾秋中太真迎笑瓊扉裏

太真亦在海上  
仙山見長恨歌

老伴傷心桂子叢不信羸殘身是長去聲却疑

蟬蛻日成空定知月滿金卮夜待上樓臺作醉翁

詩派清真闢草萊返魂猶熱化樓臺

化樓臺香名張說置文香  
上曰吾文享是香無忝

但

令香火長聯社便是元和未劫灰駱馬楊枝惟一擲爐峰渭上豈重來不忘要已忘情久千載詞人詠達哉

衛少招看靜軒老桂

滿庭齊放鴈來紅上有鏤金共一叢昔酒香畱驕白墮新泉色映賺王濛急須縈網防饒鳥未忍鋪茵任晚風



取醉不知秋漏盡呼童猶望月生東

時值晦日

重九前一日祀香山於草堂用申好會因訪菊

西郊有懷南樓畱滯京邸以遍插茱萸少一人

句鬪韻分賦五古一章又取菊譜分題作七律

一首

得一字

交道古所難離合幾百出促席或翻瀾千里心如結而

况敦同姓忍忘

去聲

天涯別對酒起深情感時驚眼瞥疇

昔集南樓薔薇開未歇樓頭月幾圓葭蒼天籟瑟茲

小重陽堪配寒食節乘此覓遨頭人生不可失城西樂

彼園精舍坐石佛

石佛菴前菊最盛

老圃整籬勤邨婦掃逕潔一

葉踏如飛瓊瑜隨地設我輩閑閑者持螯笑且啞念爾

客燕人黃花可曾折先民有良言休官罕見一未祝洛

陽榮敢跂潯陽逸松筠矢勿諉尺素聊短述

西川錦

蜀浪何由洗日精

菊別名

天孫有巧圃翁羸色絲不待開箱

驗繡段天然翻水成彭澤令酣迷步障竇家妻思幻繁

英若添一片湖邊石驚看支機老瓦盛



九日金沙潘長卿過訪畱飲草堂同道柔衛少  
以菊花須插滿頭歸句中平聲為韻分賦送之

得花字

滿城一句本君家累牘相遺興倍加  
前一日已落帽無才

遊未續憶昔年曾同訪菊東郊題糕有客酒宜賒人情冰炭悲秋扇老

景暄妍看晚花此日佩萸須盡醉華陽洞口冷風斜

答客題秋林笠屐圖舊照

蘇髯招吠尤戴生中讒哆莫謂品官袍煙霞儘容我

附別體

丙戌暢月六日内子四十厥明即予生日邀醉

吟同人分體賦詩得迎送神享賓曲三章有引

珠玉盈箱允矣聚於所好敦槃匝歲誰云鮮克有

終重引前賢光分中間爰摹古格敬答同人節短

音長殊愧洛陽之聖手天寒心熱敢渝松柏之貞

盟附同人原引一陽七日天台採藥之期昨夜今朝楊子齊眉之誕良朋時聚嘉會難并仍依白叟之光小結醉吟之局不惟飲福即用稱觴

詩體分拈交情互見

其辭曰

冬日兮春融一陽生兮萬象冲絳萼破朱實叢條椀巖



羅蒲龍調繪縷兮魚桑鐘郁稿車兮爛玉蟲坎擊鼓兮  
堂下盍簪戒兮迎白翁望爐峰兮紫驄導媪從素兮環  
珮風紛進拜兮肅若神之來兮春容

舞筵開兮懸火熺黃澤繚兮梁塵飛玲瓏難再兮娟態

隨宜

玲瓏娟態皆當時伎名

手斟康爵兮掀爾吟髭敢主吾兮惟賓是

師煮蒿暮月兮胡忍言歸神既醉兮醜顏嘻嘻遺將匹

錦兮藻思無期霓旌翻兮葆佾馳瘞埋廢兮紙陌微兜

率天兮安在蓬萊院兮依稀使我心兮悽復悽

介神休兮解嚴顏列坐兮弟舅望美人兮薊門惠我兮

瑤琨何以報之松醪醇飲烽起兮醕鼓震巴飲奏兮喧

不聳盤紛拏兮跳躄觚騰鍾電兮傾鉞叶筵弄兮申旦

曾何傷乎黷歡家風種豆兮鹿車是安山妻笑嗟兮穉

子衣斑身宮磨蠍兮吾道寬然同心鷗侶兮其樂長年

聯句

穀雨後三日招醉吟同人看花國牡丹即席和

白集花下醉中聯句原韻

天染臙脂畫人銜鸚鵡杯

昌祚

盍簪當雨止擊鉢為晴催

香昇

玉質輕綃護檀心半醉開

鍊

羽衣雲入想步障日將



頽文言空谷香先導，翻階影後陪。介高鬟星下溼，睡臉燭  
邊回。光孝擲采挨花數，上聲搜竒促酒來。維坤夜闌非與盡，明  
日重徘徊。玠

薔薇花

架上枝狂蔓，昌祚當筵著意開。薰籠齊紫覆，香昊衣桁漢紅  
來。姊妹爭秦號，鍊藩垣映斗台。晴雲疎蕊戀，文言宿雨嫩  
香催。蛺蝶緣鬢動，介鸚哥喚夢回。春纖嬌欲刺，光孝錦浪  
洗無埃。露泥番家採，維坤綃偷越女裁。名花羈勝友，玠啜  
茗佐銜杯。仁杲

首夏猶清和

清和即此時，又和白家詩。拂面風多軟，當階露正垂。昌祚  
棟花三月度，布穀一聲宜。香昊蠶女攜筐出，騷人荷鍤隨。  
鍊綠藏低結子，紅上最高枝。文言麥浪初翻暖，雲峰漸吐  
竒。介圓荷鋪淺水，新竹補疎籬。光孝梁繞雛飛急，庭移日  
影遲。維坤鷺兒衫色染，石丈蘚痕滋。玠點筆聯吟處，桐陰  
覆硯池。仁杲

端一日醉吟，同人集庶菴梅林，設伊蒲饌，祀香  
山先生，即席予用先生與夢得聯句五月長齋



月作起句合成十一韻

五月長齋月詩人清福人臬羹徒作惡鳳餅自生津維坤

繭虎依僧靜蒲鋒對佛馴催詩真擊鉢鍊揮塵信離塵

枕簟涼侵骨袈裟舊稱身光孝竹陰疑結夏花片似畱春

止酒姑違俗玠無豬竟速賓杯非今日渡錐豈去年貧

仁果大地生琴韻閒房映日輪句因炎景得香冥交為素心

親如滿依然在煙霞更有鄰昌祚

研堂詩卷十

毗陵楊維坤地臣

復醉集

丁亥春王提月前一日蓼庭招醉吟同人飲元

復堂梅花下即席限蕭字韻率成二首

枝上風饕春意蕭晴光特與玉魂招疎簾有隙邀香細

文幟無聲辟入聲鳥囂謂以雉羽驅雀幾處燕脂多減價十年冰雪

獨干霄亭邊也是前人澤爭及平泉分外饒予家抱膝亭前僅存老梅一株

題鳳由來信久要敢辭芳樹共逍遙獨貪酒後餘清嗅



得意吟時只淡描，隔院玉尖方簇簇。上階綠髮已蕭蕭，  
怪他雪霰爭春至，似為盟心霽一朝。  
前數日大風是夜即雨雪不絕

二月六日衛少招醉吟同人飲靜軒賦得花笑

玉山頽 伊川是日送京醞二壺上堯夫有詩云紅櫻零落杏花開春物相催次第來莫作林間獨醒客任從花笑玉山頽

端的春光不可辜，有花斷上酒也愚夫。離披惜爾猶籬

護顛倒愁予作杖扶 設為花與人諧謔之詞 一樣臨風輸卓立，相看待

月蚤糊塗不知花與人，誰健死活重翻肯信無。  
翻用六如不信死花勝活

人之句

花朝邀醉吟同人小集壽白軒之鳥聲花語處

偶檢香山詩有鸞啼選穩枝句 翫半開花作 即用賦五

言十二韻

好鳥乘時節，流音漸捨榆。原知春浩蕩，頗解世崎嶇。決

起驚無措，迴翔備不虞。漫誇百轉舌，願保萬金軀。出好

興戎慮于飛，戢翼圖杪垂。疑土動條弱，怕風粗羨彼。歸

思樂 鳥名 憐他尾畢逋 城上鳥尾畢逋本童謠 知幾惟後集，得所始相呼

黏帶聊游掠，深根好聚舖。儻依花抖擻，寧傍石提扶。地

善羣來適身安，歌自娛求聲雖激切。擇木要踟躕

三月四日上巳東醉吟同志諸公修禊郊外感



而有作一韻二首

重攜柺榼趕春城百五重三閨一行地借桃園

東郊地名

空慕

義詞板柳部漫多情新煙已任因人熱曲水還期到骨

清却憶舊吟連二節果然昨日是清明

客春雅集以鶯花二節連命題猶以會期居清

明上巳之中今則

正在三四兩日

香泥紅雨莫營營野色幽聲一段情諸葛無軍猶菜甲

東方捫舌賸倉庚喧傳勝事華林陋偶語新聞溱洧輕

拉得朋儔須爛醉忍辜天放幾閒氓

雲間王范之陸錫山見過越日招飲東贈二首

一紀離愁過隙驅

前曾在乙亥歲

夢回頻繞澱山湖蒼苔徑杳青

雲駕疎柳舟聯合浦珠舊雨題門宜不速

久遲陸兄

好風洗醖

更應俱高談傾倒平生事那管金吾問燭奴

此身雅愛芟荷裳願學丹砂有伯陽大冶只今真事業

名山焉用假文章松筠抱節迎三益蘭蕙凝香累十觴

滿座春風人不覺鶴沙立雪舊成行

此首專東范之

再東范之錫山看花國牡丹疊用次章韻

天公慣態妒霓裳

時值風雨

不盡心情趁夕陽慷慨四筵驚五

斗清平一筆草三章欲投轄借迎梅雨還倚欄賡曲水



觴莫便挂颿歸去早瓊樓第一壓顏行

花國小齋牡丹頗盛其青蓮萼一種品最貴比

年未放今歲特發數枝同人有金帶圍之賞各

成二律予亦效顰花神有知定應鼓掌

時鄒子天復久別快晤因

追用昔年見

招花辰二韻

洛陽會釀洛陽花天巧猶能私我家自有謫仙留本色

不隨妃子鬪年華清暉擬近連漪是法相方知糞土差

一名青蓮佛座此花冬不宜糞

儻遇濂谿應錯愛從今洗盡世人牙

屈指經旬又送春養花天氣正良辰日烘繡被頰郎面

露滴仙房焰汞銀欲賺遊蜂疑潑灑却教浣女採逡巡

燒燈空有終宵約惆悵山肴少入脣

席間分賦時物得櫻桃

莫教鷲鳥亂銜珠添案新鮮賽鼠姑色認空盤宜赤玉

名搜創韻得朱菜

人謂菜字古無韻脚偶閱藝文櫻桃一名朱菜

吳姬蜜漬圓常在番

種鹹乾皺較輸誰遣青衣攜一籠半生春夢飽餐無

用范

陽廬子春遊事

息交

梅子拋黃作

音佐

醬醃就中滋味別酸鹽鷓鴣懶共離留



逐幾見然邱比翼鶴

弔惠山下聽松

春盡殘紅已零藉步屨槐陰仍綺陌興來還索舊奇觀  
 一望喬柯心屢擗結靈挺秀幾千年蚴蟉天矯難言傳  
 風披雨打曾無恙此日全枯豈偶然細訊鄉人怪予喋  
 非關瓦礫炊煙及乾坤萬物有榮衰大木焉能逃浩劫  
 下有巨石尚嶙峋動者幻化靜者存太華無心長屹峙  
 春秋有數笑靈椿而况人生百憂積那得生年皆滿百  
 當時指樹說盟人

明季諸君子訂盟於此號聽社

宿莽青山銷白骨

首夏遊寄暢園贈秦十一二南

和友人韻

仙源咫尺徑幽通層閣凌虛萬綠中活水正宜新芥白  
 真山却借彩霞紅

時有結綠張燈之役

花情縈處參差磴魚樂知時

縹渺篷多少平泉嗟茂草長畱淮海挹高風

詠梁谿清事二首

顧長康食蔗

晉賢多諧謔三絕推虎頭即一口腹事指點非常流徐  
 徐漸入佳欲速戒輕浮膏粱念疏水黼袞起敝裘苦中  
 有深味苟得良可羞知君癡點半走險非所憂不審哭



桓後老境猶甜不

倪元鎮洗桐膏

秋林淡如雲癖性潔於水盥頰祛纖塵清悶避俗澆充

類至庭柯偶汚亦為洗重賄足汚去聲人況乃虞象齒高

世非矯情錢散禍可弭胡為陳柏言名累尚以米

過吳門蔡息關先生感舊却寄

忘年許我數褰裳矍猶能畫鐵強先生工篆書慈氏菴名拉煎

紗帽頂園官摘送玉簪香僑寓三善堂與高齋咫尺相望玉簪用山谷語燈枯孤影渾

疑夢向日先生示予有佛燈枯照草玄人句淚迸同聲更斷腸會葬沈東田師最痛朱顏拋

白髮十霜去住已滄桑乙亥與令子幼淳訂交丁丑得交先生嗣後聚散無常而幼兄與三善主人今已長逝三載矣

端四同諸公弔楚三閭於草香水榭因而聚飲

竟日題絕句七首

奪標擲綵總非真只為千秋一恨人遮莫雞壇爭有主

風騷誰是楚靈均

歐回絲棟太多情不信蛟龍敢與爭我輩先期應見享

羅江明日恐縱橫

鄱湖雪浪難專美蓮館雷聲亦不愁點竄嘉州為即景

北離一箭是關樓岑嘉州是日有作西看一點是關樓茲因逼近北關故翻用云



懸空驚豔疑三變隱約聽聲訝十番長此盛年吾亦爾  
如何天寶老黎園

紅裙何處養嬌癡若箇玲瓏擅老師莫笑兒郎喉舌撓

雪時幾換女男兒

見女伶不得適有  
吳趨少年善彈詞

牆頭古樹拂雲生夾岸新栽柳眼縈獨醉衆醒思後會

諸公節飲  
予酌獨深

綠陰鬪茗有餘清

香草須知喻君子美人原不指蛾眉畱題竊恐閨中怒

野草何香又浪思

主人予中表弟也新構未顏為擬草香  
水榭四字遂屬予書因口占此首戲贈

金環詞

改入別集

丁亥小春重祀香山先生賦詩紀事

有引

南樓歸自京邸同人咸憶前盟采菊於西野之間

置酒於研堂之上高歌慷慨妙舞婆娑更延九齡

餘四之壽翁兼速國儀舊社之耆碩既成盛事能

不摘辭各取攄懷何拘一格

彈指聯吟三改歲關心斷雁兩經春團樂不用相思調

彊健應無自詠身堂下斂豳猶中禮帳前煨芋莫嫌貧

平章花鳥非閒事點檢江湖幾散人

夏雲奇赤秋雲碧拖得黃華作

音

小春

今歲苦旱  
見菊甚遲

香節淡



容三徑友遲開晚謝百年身擁書淫處文爲富味道腴  
時食豈貧酹却一瓢開口笑風流都是不羈人

雙鶴休誇貌絕倫歲寒重訂會昌春腹該柳簡邊家笥

謂孫

又學齒長睢陽李後身

謂羊隨菴睢陽五老會  
長畢世長年九十四

破壘幾人忘髮短

驚筵一夕療胸貧歌鬟舞袖空花境世上何塵能污人

盤堆雲子香炊玉杯瀉松肪石凍春几杖居然更

平聲老

體鬚眉堪作畫圖身如聞感粟知難再欲放楊枝豈爲  
貧鬢塵蒲團文本榻閒來長伴囁嚅人

右疊和香山先生改授原韻凡四首自舉醉吟三

載之內或引年屏跡或牽事遠游夜月依依晨星

落落不揣薄劣復有是會時羊隨菴翹年九十四

孫又學雲會年八十六胡芋莊香昊年七十二陳

西林鍊年六十三家南樓文言年六十二其鄒禧

叔俞儀呂鐵州光孝與予及龔秋崖玠雖年在五

十以內未可言老六抵皆期望之意云爾壽白軒

主人記

按香山年譜太和九年十月從同州  
刺史改授太子少傅分司有詩四韻

雲間張溯崙過訪索觀醉吟會詩用歐陽公借

觀五老詩韻見示即次原韻奉答



南窗晞髮漸寬閒掃徑迎軒復整冠酒趁霜叢心醉白

中有孤叢色似  
霜樂天菊詩

客畱竹下笛吹桓天高調急驚鴻遠夜靜吟

成落月寒樵侶相期自怡悅白雲耐可紫薇看

和湖崙菊詩三首

老圃何幽興勤勤養鞠苗時防朝露渴一解夕陽煬傲

骨辭壅茁清姿近岸饒何須愁早魃力盡自逍遙

灌菊

野艇花偏稱羸他書畫賒津頭羅繡縠水底動魚蝦漾

出騷人韻浮同仙客槎呼僮辦畚揭歸路滿煙霞

載菊

把酒吾誰侶霜枝疊綺樓微香如欲襲無語亦堪酬日

射迷精色燈枯醒倦眸如何風雪裏三友不同儔

對菊

觀演琵琶法曲率成二十八韻酬鐵州并東湖

崙菴叔諸同學

人情樂聚首古怨輕別離千秋尠知音妙理存傳奇客

從雲間來菊殘三兩枝出訊素心人何以供遨娶萊國

禮樂家協律陽陶兒年今都老大居然稱宗師主者鐵

州生與予同襟期鍵戶千日醉塞坐萬卷欵非敢漫結

客良晤願繫維架抽一冊書云是先公遺宮商毫髮辨

丹鉛無微疵東嘉感功臣聲山爲所嗤正欲公同好寓



目應無欺予歸謀諸婦敬賓兼自怡廣場不數闕四座  
皆歔歔重簾敢高聲嗚咽不能支唾彼遠遊子不顧糟  
糠妻雖有門閭旌安足償前非作者工形容演者善入  
微儻非指授精胡能沁人脾神壹不聞漏燈炮猶忘疲  
既逢周郎賞況有吹銅知後會補不逮重筵慰調飢歌  
哭當情事忌諱亦奚爲霜天曉柝頻孤雁長鳴悲古今  
同一劇真謬何須推我曹貴忘情哀樂隨環迴酌斗更  
狂歌姑舍太康規

方起移居舊宅詩以勗之

新居何必出吾家就讀遺書不用車豹炳文幢宜夢錦

齋名豹隱先  
伯父論文處

劍鋒巨筆尚籠紗

屏刊大叅公  
手書一聯

若論容馬還非分便

祝充閭也是誇一卷義經勤三復

起見  
治易

關心消長四時花

拙詩十卷編成戲題卷末追和香山編集韻

一詞瑕類似閒情十卷絲蠻豈夏聲格

古詩  
曰格

祖柴桑思上

乘律歸履道近中行祇應甌覆遵時晦焉用山藏不朽  
名從此醉鄉生計好焚餘有子再編成

聯句

松筠寒不變



松筠寒不變香山句古翠生郊甸誰為採春華胡香幾番篩粒

寬風饕得籟喧維坤冰凝雜斑絢蔭壑傲玄冥鄒俞摩空抹

深澱坐陰宛喝張榮立雪儼骨鍊靜對持堅盟呂光交加

羞假面森梢介石維坤歷亂亂雲茜朝菌徒寄生真晚

香乃屬眷青青壓女貞光孝鬱鬱薄照殿山茶一柯實引翔

鳳榮源巖澳覆蟄燕抱節利器摧俞儀守株空鑠善不花亦

自芳衆卉安足羨維坤

贈言附十卷

研堂落成詩和主人用杜韻

胡芋莊香昊

鼎扛健筆掃黃茅韓愈聲華孰孟郊書屋雲龍何天矯

文壇煙雨太森梢七絃珠柱攄鸞嘯萬疊牙籤插鳳巢

珍重紫腴先澤在雄文川恣有誰嘲

南樓文言

結鄰端不謝衡茅小築巖栖即樂郊捧出霓裳歌芍藥

磨成龍尾寫蒲梢洪箋架插琅玕錦湘管牀開翡翠巢



況是范喬能世守雲亭載酒漫相嘲

錢煙谷昌祚

渭水何曾老坐茅雲亭幽似俯閒郊蒔花旋見紅成隊  
移竹新看綠滿梢磴礧每攜鸚鵡眼搏扶行上鳳皇巢  
北窗莫便耽高臥豈受邊韶弟子嘲

鄒蓓叔俞儀

青銅九榦影重茅衡宇中間類遠郊一徑薜蘿牽晚翠  
數叢天竹藹煙梢賦追孫綽畱吟研祀罷香山結飲巢  
翻笑玄亭多一解醉鄉無處得譏嘲

呂鐵州光孝

安樂何須待卜茅囂塵遠似隔江郊手披草線尋松子  
目送煙絲度柳梢綠綺橫窗魚出水白雲封戶鶴來巢  
異書名酒如椽筆月任招呼風任嘲

上海

王虛亭

鑄

以下  
續和

來看珠構踏香茅似訪幽栖適遠郊新月正窺修竹徑  
春風初綠杏花梢摩挲三世餘龍尾迢遞層雲隔鳳巢  
他日名成身早退莫教泉石動詼嘲

華亭

張醇邨榮源



一方閒地縛香茅客至如家誦樂郊月泛酒巵光動壁  
春歸庭樹綠抽梢墨池眼活陳喙具風鼎泉新熟野巢  
早晚彈冠出林去驚猿怨鶴莫輕嘲

華亭

陸錫山榮和

何必深林始結茅十三軒側似閒郊

旁鄰有九堂十三軒

遲開晚謝

闌邊種拂露干雲屋後梢疎豁端宜安石友幽偏兼可

作書巢閉門自得栖巖意寄語安陽莫獻嘲

安陽山在無錫為研兄祖居

江陰

夏瞻圻元恩

豈定深山好結茅虛堂幽寂勝邨郊春蘇蝶帳花生夢

秋蠹蟲書紙盡梢片石留香瞻舊澤三槐餘蔭闢新巢  
此中暫作南溟息小大無庸斥鷃嘲

虞山

衛霧巖文豹

春風原不棄菅茅客滿天涯似近郊四座笑談看古物  
一簾煙月罨新梢每諧宮徵推援筆為薄膏腴愛煮巢  
韓子文章陽子操暫投閒散豈容嘲

呂尚綸建鵬

元亭咫尺接衡茅心遠身閒便樂郊酒鬪奇兵風颯爽  
文橫雄陣氣蕭梢滿庭小景多幽壑別院深枝有穩巢



晨夕過從不厭數忘形爾我任相嘲

寶應

相澹圃為炳

疇昔相逢會拔茅同人今日勝于郊何期駐屐探梅萼  
况復開樽看竹梢四海延交留客榻千秋大業著書巢  
高懷欲比陶元亮不似揚雄漫解嘲

孫筠庭時宜

久辭京闕臥衡茅擬買溪山築近郊却羨草元來舊雨  
更多竹樹長新梢風流酷似陶兼謝灑脫何須許與巢  
千仞高翔瞻鳳翮憑他小鳥自朝嘲

題楊研堂秋林笠屐圖

庚辰以來先後隨筆此却以齒序錄

陳西林 鍊

夫豈林中人偏識山下路半醉凌明霞雙屐亂珠霧遮  
莫詩思來快如鳥脫筴回首睇天末烟雲蒼莽互巖端  
散落葉江際辨遠樹卯醒霜風吹獨往君始悟

吳道巖闡思

世上都是登山者由來不識下山路泥途漉漉屐齒滑  
努力直上不回顧如何著此圖中人甜酸異俗品絕塵  
紅衫箬笠拖高屐舉足下坂行逡巡以退為進乃上計



此公豈是塵埃人

王彭巖游

戴君秋江圖朱衣豈廊廟衆工傾一言空嗟墨精妙蘇  
髯笠屐圖瀟灑寡同調當時見所怪犬吠人爭笑今乃  
笠屐復朱衣廊廟江湖誰是非莫嫌寫照拂時宜不衫  
不履自忘機

呂鐵州光孝

樹色初染秋秋林兼雨寫乃有賞秋人意似登山者一  
笠象天形如聞浙瀝灑雙屐新蠟就穩步追奔馬趁此

醉顏酡觸處詩腸惹闖入畫圖中不愁梧葉打

董梅坪大倫

秋梢滴瀝泥漉漉一徑野風吹澀勒衝烟小扱乾紅衫  
戴竹笠子拖木突碟觴何處歸匆匆恍逢儋州秃髯翁  
前灘耐可轉泥淖耳畔如聞竹雞叫

龔秋崖玠

秋霖餘瀝滴高柯戴笠還應著屐過活脫髯蘇當日樣  
却教人認小東坡

洗盡人間草木春紅衫點染麗才新意中眼底無他物



林下原知預有人

呂尚綸廷鶴

木落亭臯爽氣新  
緣坡縱步一閒人  
知君雙屐淨如拭  
厭踏長安陌上塵

題研堂讀書圖

原張鶴澗筆  
移作寫意者

王彭巖游

古今人讀書心同道  
同肖貌者淺意得者神通  
不窺園不釋卷不置他書  
而惟矻矻與年窮或者吟風  
弄月啼鳥落花與自家意思  
相得千載下可詠可風  
研堂研堂又何必寫蒼然之  
如戟熟視而識之曰某也  
驥翁

研堂歌

陳西林鍊

古之孝子父書不忍讀  
執母柩輓輒號哭一絲一粟出  
先人勤勤寶護如頭目  
嗚呼今之人覬親貨財得欲速  
呼盧纏頭等覆餗  
靈幃髣髴猶影堂  
他人歌呼入華屋  
那吒析骨到著簪  
愚叟搜山盡拱木  
手澤丹黃轉史胥  
賜貂文錦被僮僕  
何有區區祖傳片石為可蓄  
貯以精廬韞以匱  
裹以輕紉襲以縠  
薦樽龍尾鳳味間美逾雙  
珠重十穀嗟乎楊君不愧為孝子  
為順孫惟其塗墍茨  
猶足寬鄙敦薄激凡俗  
報劉曲體先君思六月棲棲躬



版築堂以硯名示後賢吾將於此卜景福即看襍硯登  
玉堂黑蛟蚰蟻宮紙煜重瞳飄飄歎凌雲天下蒼生快  
滲漉昔人范喬何足侔皇天錫類百祿適於戲昔之范  
喬何足侔

研堂記

邵青門長蘅

予嘗爲楊子序所爲研堂詩堂時無有也第以名其詩  
耳今年以書來曰研堂成敢以記請且述所以名堂之  
意曰茲研先王父大叅公諸生時常瑤用之臨歿手授  
不肖其命以世守不敢褻也問其堂之規制曰屋三楹  
不陋不華虛其中貯書數千卷木榻棊几取具堂後通  
舊齋稍位置卷石花木他鼎彝書畫珍玩之供無有也  
又曰研雖微先澤馮依在是韞之以文匱襲之以古錦  
而意終未釋也乃謀作是堂以居之蓋規度三年而始



成先儒有言凡事不患於無成而常患於易壞某竊怍  
怍焉願乞記以垂永也予乃喟然曰是孝子慈孫之用  
心也可以書矣予每行闌闌間見吾鄉世家巨室高閣  
相望間亦有不類者親存無恙而胠篋摸金耗其室中  
之厚藏抔土或未乾而平泉之石履道之宅儵焉易主  
如傳舍然甚者出其先手評經史諸書朱墨猶殷一旦  
粥之駟僮皂隸之手前代之朝服賜貂改為優伶登場  
之飾無所恡惜就予所偶覩記可慨有如是夫而何有  
於區區一研之微然則如楊子誠賢矣哉為之記抑可

以風也康熙癸未中秋前十日

書研堂記後

侯官 張超然 遠

筆墨紙之壽以歲月計研不可以歲月計也然研或有  
時而沉埋損壞筆墨紙書而為文可以傳永久則三者  
之壽亦不可以歲月計者也猶之文也或文非其文或  
非其人則不能傳後其壽終不若研毘陵大叅楊公以  
研遺其後人其孫楊子以名其堂屬邵先生子湘作記  
始以研與堂可以歲月計記不可以歲月計者耶覲以  
堂傳堂以文傳可以壽世矣楊子走三百里介予同年



工馬君屬書故樂為之書而識其後

世與堂可以為民皆不以此為其

其餘人其為君子以其其堂為

不問不問其為君子以其其堂

亦不問其為君子以其其堂

其與堂可以為民皆不以此為其

其餘人其為君子以其其堂為

不問不問其為君子以其其堂

亦不問其為君子以其其堂

研堂詩續彙卷一

宿鳳亭外史楊維坤素堂氏作

男顯校字

澹香池上集

戊子二月三日招芋莊西林菴叔鐵州飲幔閣

追和東坡是日點燈會客韻

花散修羅冷艷天空壘何計鬪雄妍暫拋香夢玻璃枕

是日戒書眼來看虹光書畫船用山谷語雅令智囊徵百字堅盟

心印泐長年得閒促鄰非容易座上春風轉化元

白下歸舟八月二十一日



此生塵網事脫却便翛然酒索銀餅滿城將鐵甕穿素  
娥邀夜半黃雪遲去聲庭前稚子應相笑囊空賸一編

己丑二月應邑令澹齋謝公之招監視賑濟因

過王哀嶺下蓼莪菴時內制未祥尚廢吟詠歸

久之兒曹請開詩戒追憶賦此聊以紀事而已

宅憂忽任事蒿目恤時艱上以圖報稱下以慰慈顏土

王去支首歲旱潦實連縣鳩形與鵠面遮道羣呼天

天子達下情開倉發官錢就地給粥糜責爾司牧賢控

愆難獨理桑梓切惻瘵迺及向隅人分料震澤邊此事

無他要濫尅兩弊蠲土豪不可徇胥吏當爲開計口散

維均實心俾惠溥凌晨寒氣逼日昃退食愆予敢自曰

勞公爾忘私焉稍間問蓼莪孝子王哀傳終身不西向

完節爲親冤忠孝總一理易地則皆然小人已無母中

堂尚几筵不才敢負人歸告應鑿原補此鴻鴈詩即當

蓼莪篇

蓼莪菴追步內伯孫承公韻

紅雨非吾意綠陰何處屯雲籠山畔閣鳥掠水邊邨煮  
芥幽人辨挑蔬佛子渾獨餘枯樹淚反袂灑松門



過馬跡山神駿寺

靈山舊跡絕紅塵神駿新題出  
紫宸萬頃湖光浮樹杪千竿竹翠障陽濱空門何有名韉絆大藏應窺般若  
真階下白華如積雪看來恰稱素衣人

闔閭城

已上同  
前追賦

城裏吳儂作異聲

有城裏村土人  
呼城如橙音

辨來却是闔閭城堞高雲

影功何在水落山蹊恨未平  
覓粟飢烏誰得所拒人寒  
豹更無情此行祇為頒膏露  
野草幽花幸向榮

和呂鐵州題倚樓原韻二首

方謀一室共都梁先掃新樓置石牀  
牆壁圖書留古伴乾坤几席用誰商  
捲簾平倚千層玉闢牖遙迎一段香  
我有蝸廬呼幔閣高情爭及水雲鄉

午橋重築笑徒勞只此僊居足  
辟囂帶玉門庭仍小小

掃花歌管尚聊聊

樓下有  
掃花徑

望雲豈必攀高鳥得月何妨聽

遠條相賞無多松石意贏他有翼  
傍煙霄

酬雲間張醇邨來示見懷之作

殘英任翻階仗雨苦施簿負疴  
搜黃庭枯坐甘瓠落何來剝啄聲  
有客慰離索持盃困未能啜茗當  
深酌幾時



奮衷呼重踐香山約

病起擬續舉雅集以茶當酒因和香山先生寄

賈常州茶山境會韻

張醇邨夏瞻圻來會以予病別去有約再至故遲之

炎飈苦扇芳銷日短策聊扶病起身客興未酣徒再宿

甌香有味尚先春挨肩甲子看依舊

醇邨與予同庚而長

放膽文章

出斬新

瞻圻序雅集編

若問詩禪誰上座宗師還是隔年人

感謝明府去官

名清裁號澹齋閩人

此邦宦罷亦時聞幾見縈懷似使君兩字持平鈐小印

案牘間俱有小記其文曰持平

一文卻絕傲孤雲人號借寇公心在日約供

蔬報德勤歎彼歸船猶載月清風空袖滯江濱

壽內女甥黃節婦

貞潔之名古今慕諛詞綺語何堪布一言徵信自千秋

親串深知歷如訴龔家有女蘭蕙苞于歸江夏匹英豪

兩期角枕光璀璨獨旦孤衾賦髣髴由來樹節仗有子

影隻形單誰似此奉饋雖然娣似賢承祧只爾羣釵是

蓼花梔子苦相偎日久冰霜倍凜哉春泥寒梅衣點雪

秋耽夜杼蠟成灰巾幗居然丈夫志溯厥源流鍾淑氣

尊嫜令母鴈行排山妻也屬同羣季嫁時姻婭喜聯翩



忽忽卅年鸞鵠異今朝桂藥發天香寶婺星輝進一觴  
梧雨南山天為去霽轉悲為喜休徬徨

重九後三日吳門寓中坐雨有感

重陽已過偏風雨客舍無聊更鬱陶薄笑秋雲猶變態  
妒因晚桂轉加饗非無山好遲遊屐爭奈壘空怕讀騷  
中散作書寧太激來朝歸棹趁持螯

玉峰曉望

山如玉立玉何存拾得玲瓏綴瓦盆鶴叫空天渾一色  
雲來別岫化無痕浮圖地聳三摩現文筆峰尖萬象吞

楓葉蘆花等閒事快看湖海起朝暎

十月十二日過虞山攜次兒燦登讀書臺一眺  
喜而有作

小春佳興泛吳船攜幼登臨豈偶然香稻正叢黃雀陣  
好風時送碧雲天振衣絕頂方剛日曳杖孱顏未艾年  
為數歸期應不遠熊羆叶夢又成篇

時燦兒賦采芹  
兼有震索之望

己丑除夜

素冠積雪共皚皚拜罷靈筵夜漏催有子可能添意氣

范石湖分歲詞頭  
角長成添意氣誰家猶競賣癡獸不貪附熱盆頭火且盡



驅寒藍尾杯暮景杜陵期已逼傷心常侍鬢將頽

庚寅元旦

報晴鵲起夢初回眉鎖凭牕且暫開蓮子一盃兒婦饌  
楊妃幾朵女孫材屠蘇末坐思前事旛勝新栽讓小孩  
瞻拜飴庭悲復喜依稀此月抱曾來為顯兒致禱

二月一日容城寓齋即事

華陽古道數間關極目駒驪山外山帘颭晚風歸噪急  
塵清春雨客心閒嘗茶小憩疎林裏蠟屐聊行委巷間  
見說飛仙枯杖在里名昇仙有枯樹一株相傳為張三丰遺杖所化桃源窈窕幾時還

客遊甫歸蘭草競秀見香山舊像寂寂小有齋  
中呼兒曹酌一卮私祀用薦清芬遂借義山木  
蘭詩起句并步其韻蓋紀時日也

二月二十二蘭碗放晴初客子方稅駕先生久索居一  
枝供獨獻有酒抵盟書莫漫紉秋佩那堪止聖車石磁  
涵澤永香粉賸膏餘旖旎江頭帽溫柔夢裏裾迎暉心  
頗嫵承露影偏疎子弟誰相肖臣今老尚如

飲呂鐵州玉蘭花下次陳西林韻

春花如錦復如蓬冰雪偏凝二月中氣合楚香無點滓



研堂詩集卷一  
六  
肌分漢媛有餘豐補亡漫說跌為絳本草應呼筆未紅  
莫怪杯深猶惜別橋邊移影亦瓊瓏

三月二十四日續祀香山先生於草堂仍履道  
會期也拈集中送楊給事赴常州結句毘陵何  
限春作起各賦五古一章又和晚春閒居答楊

工部楊常州寄詩茶原韻七律一首

有引

前歲隨菴又學芋莊相繼仙遊南樓舊叔輩遠走  
日下予又喪母輟吟詠雅集之舉未免寂寥茲陳  
呂二君策予蹄弛會庶菴挂錫而歸更得孫子園

臣王子彭巖呂子尚綸促席談心便成佳會爰賡

遺調以侑先生一觴云

又摘香山句作起  
各賦紀年吟以附

毘陵何限春花國尤未了鸚鵡喚妝殘蜀魂啼淚早惟  
有傾城花送春顏色佼青蓮種擅竒數枝物貴少良朋  
每相叩比年花事杳盛衰各有時彭殤此中討賢達欠  
厚福庸夫未必天常諷醉白篇無聞善自保稽呂與雷  
陳坐守看花老新知補別離塵情一切掃趣我酌香山  
恰值花開巧薦馨不折枝千朶一望好特憐玉版白雅  
稱衣裳縞餘事只故例櫻筍亦草草嘗羹痛云亡中心



怒如擣

柏米鋪階人未掃柳綿飄瓦又風斜追蹤鶴髮今朝會

巧倩金盤昨夜花

用坡公前一日於吉祥寺觀牡丹事

客到便宜惟煮筍雨前

無事只謀茶青苔踏處留春在吟即生涯醉即家

紀年吟

行年四十五兩鬢半蒼蒼庭花朱粉心羞對浪說楊枝  
春晝長霜髭笑倩柔荑鑷瞥眼鬢髮相繞獵可憐青鏡  
太無情還仗金樽照後生半捲湘簾檐鳥靜隔牆聽得  
賣花聲

竹醉日醉吟同人集青山莊追步香山先生勸

酒十九韻

陶公愛酒歌止酒不傳

去聲

姓字傳

同上

五柳白公亦托醉

吟埋知止何妨勸酒來好味大懽只自足年光白日胡

相催我曹仰跂萬不及

叶

坦率料應無彈射纔過五五

月將盈不速三三主與客

莊為徐甥祖居時亦在座凡九人

此飲拚泥共竹

迷

竹醉又謂竹迷

放眼看山飢眼飢

醉吟傳中有放眼看青山句

分憂肯告何司隸

帶索能甘榮啓期眊矐心情流水逝杯中奪錦踰登第  
供奉何曾與曲江解貂市上風誰繼老髯蕉葉抵巨觥



座客酣適時縱橫晉唐宋間七  
百祀敦槃宜裕四先生

擬合享陶李白蘇物換風移人變態常抱遺編典型在讀罷浮白

填精神盛年不再終何待拂拭南邱舊釣綸野樵為侶

農為鄰引壺堪對龐眉叟把醖無須翠黛人蘆溝車馬

緇塵湊崎嶇况味知猶舊蝸角俄成虎兕爭蠅頭突起

龍蛇鬪良友當年一榻休露臺涼月心悠悠試問金門

待漏者何如白版醉鄉侯

偶訪彭巖留飲竟醉次韻口占一絕

禍衣五月雨如絲那得心情醉聽鷗却遇山陰愛竹者

一壺剛煖又呼兒

仲夏霪雨效香山新樂府體成江南民篇

江南民命繫豐歉麥秋呼吸尤難緩叶火遠切一年大水兩年

乾十室九空綿力斷叶多卷切今年二麥王去聲異常人人指望

盈倉箱上天刑人豈刀鋸轉瞬風雲起禍殃却憶廉纖

春甲子占云麥爛并蠶死聞道湖州蠶失眠可憐吾地

麥將薙官家循例略停忙專待賣麥來完糧大家小戶

齊白手秋徵何計免桁楊况有流離命如綫米價常高

麥不賤兒啼女泣欲求餐麩皮餅餌影莫見嗟爾農命



胡窮眼看垂垂棲畝中縱然雨霽聊收拾入口爲災定  
嘔胃更慮盈虛數相敵插秧時節無涓滴君不見唐時  
杜陵叟禾穗青乾麥苗朽尚添食肉狼豺狼稅完蠲勝  
方下走天心輾轉困生民難恃連年賑貸恩

香山新樂府有太行路天可度兩篇皆爲人心  
不測而發由來久矣今有甚焉隳括其意作松

杉篇

松杉在山性本直截作榱題故卷曲叶人心生初無黨  
偏紛紛涉世遂攀援攀援濫處忘秦楚朝爲敵兮暮乞

憐吁嗟覆車鑒前轍彼旣鮮終此必愆勸君莫結客結  
客多蜂螫勸君莫附權附權若冰山不見翟公署門笑  
薄俗子京揮制胡厚顏安得竇嬰之座皆灌夫光武之  
榻容嚴陵死生不移真交情

曲檻之外蕭蕭數竿寓目起興得新竹篇繹香  
山母別子之義也

新竹放梢過十尺舊竹焦頭風浙瀝新竹猗猗最可人  
清陰弄影占朱門朱門豈無閒草木不是相形不見嗔  
獨有舊竹苦相傍主人咄咄斧斤向哿矣裁爲曝物竿



傷哉付與炊煙葬新竹新竹漸成林多情年少盡題襟  
亦思舊竹初篁日一樣丰姿也稱心舊者如遺新者續  
世間情種皆斯屬須知竹易產龍孫新竹明年即舊竹  
遊東臯得林間鳥篇鑒自投網羅也

林間鳥林間鳥乘風逍遙遊正好川中魚川中魚隨流  
蕩漾樂何如原知遠去繒繳原知避釣鉤非貪香餌非  
求食自有菟裘可以休一朝刷羽耀苞采弋人有慕張  
羅在夜半聞聲覓伴游漁師最巧設網謀自入網羅身  
不有回首邱園難正首縱然金籠上與華池須臾刀俎  
由他手紛紛魚鳥各偷春豈定潛淵飛上旻斥鷃游儵  
思溟渤禍機即與妄心鄰乃知不是網羅圖魚鳥無非  
魚鳥自戕身

有所見得魚目篇惡贗之亂真而不自疑也

魚目溷珠珠自貴碇硃溷玉玉何害叶但恐人間不辨  
贗與真甚至泥丸瓦礫都紛紜泥丸胡似珠瓦礫胡似  
玉咎在庸夫徇耳以爲目遂令轟傳動五都居之不疑  
頗自足磨光澤粉欲欺人看來畢竟少精神鑒家豈盡  
盲眸子何須饒舌硬求珍若然真贗終無辨贗者居竒



真者賤所以鮫人泣贈惜其寶卞氏呼冤先灼見

遣懷 為亡妾

輪迴幻說是耶非顛倒徒勞衡者機千古彭殤柯一夢  
三生鶯燕操分飛蒲團默懺嚴更靜羽扇輕揮悲火微  
不是從今偏薄倖朝雲解偈已西歸

酬諸公置酒見慰并和拙詩因疊前韻

今何曾是昨誠非坐挹蘭香靜息機腐草休憑螢作舞  
漆園儘化蝶空飛醴分玉液仙源近花惜紅顏佛笑微  
庭有佛見笑  
春時極爛熳老去祇餘朋好戀任從樊子逐春歸

秋禊日醉吟同人泛舟千畝岬邊效香山先生

被禊洛濱限八齊五言排律十二韻

二七新秋日蘭亭即野隄一溪鷗鷺靜千畝秫秔齊選  
潔流侵北占年風帶西放來蘆墅棹聽過月城雞索茗  
呼舟子除冠付酒奚人同蘇嶺嘯竹共子猷題 時園臣彭  
巖主會

剝芰憐紅角釀梨臙黑臍羽觴金兔映油幕玉繩低倒  
載判沾露褰裳豈顧泥寒蟬收語絮衰柳起思淒嬉水  
原無意臨流却醒迷孟蘭明日事忍為被襍稽

久旱苦熱中元日大雨快集遂初堂次坡公和



張昌言喜雨韻二首

同西林鐵州尚綸作

入秋半月猶炎夏曉起明霞換黑雲捲屋風來先發籟  
侵階水漲自成紋羸程且縱荷筒冷盤礴方貪芷箭薰  
總是蒼翁仁愛處名亭誰與繼蘇君

遲客茶瓜慰索居催詩興雨莫徐徐已回銀漢將蘭棹  
好趁金風又筍輿促織暫寬新婦嬾提壺連喚老農趨  
東南財力人愁竭大有今年望特書

閏七夕醉吟同人集鐵州元復堂因讀香山先生  
生長恨歌賦得耿耿星河欲曙天一律又作絕

句四首

鵲橋未斷雲先散羲馭還遲夢不留半晌披衣猶掩面  
幾番推枕又凝眸翠帷遮處疑燈醒絳幘啼時認月浮  
正是驪宮私語後千秋此刻不堪愁

兒女心情豈憚煩忙尋針縷倍前喧緜笙遮莫重提起  
蛛網憑誰再試番

芻尼不信仍填石營室訛傳又聚蟲卅夜天孫雙度嫁  
世間莫道是文君

斷緣自昔勤思續得巧於今不厭頻偏許標禪聊復爾



未須曬腹更欺人

仰天密誓竟如何  
匝月魂來兩夕磨  
縱使三年增一會  
可能銷恨已無多

又賦得耿耿星河欲曙天

代

沁涼庭院小牕幽  
玉宇微茫辨色不  
烏髮已稀猶灑淚  
葵心將向又垂頭  
餘歡那忍拋雙枕  
同夢何曾到十洲  
最是寒帷含睇處  
新愁散滿一天秋

梅林

有序

予與庶菴遊凡五載矣始於丙戌之隙為壽白之

會自此倡和不輟中間雲蹤無著契闊有日今年  
春從嘉山返梅林會予仍履道故事復拉入社詩  
壘增壯同志迭為賓主迄秋已匝一巡庶菴謂予  
曰某故方外獨不可邀香山先生之靈以辱諸公  
乎遂諏脯臘日烹菴薦新歇梵鐘而催吟鉢因誦  
古德殷勤抱得梅檀樹句庶公先成二律在座即  
分前句為韻以繼聲焉

又用香山寄韜光禪師句  
作起并效其體共聯長句

得得字

栖雲有地休言仄  
一灑天漿大千墨

樹深疑有雨屋小  
可栖雲庶公佳句

風好



摧松入夜叅石堪鐫佛當機識乾坤囊括看呵呵山水  
瓶空羞得得鳩杖何須待晚年便應歸此生彌勒

聯句摘附

交蒲巷裏伊蒲饌青果行音杭邊佛果雲一粒嘗新蟻戴  
粒七斤叅透象知斤

追錄觀蓮九字詩代

深山不問花間紅露墜破衲有緣扇底碧天涼厭殺聒  
耳沿池迎鼓吹喜看畫眉懸柳引笙簧若令大家居士  
澆瓊液更賸若箇閒人點蟹湯會得七斤省趙州註脚  
移來一瓣酬白傅詩腸且休言藕絲孔極樂界須記取  
眼前是白雲鄉

雨中詠桂

庭前雙桂樹手養十年於香襲非雲外蟾移到枕餘閨  
秋苞孕足一夜妒風疎天意人間事揮金要土如

小春舟次虎阜得金菊以歸值尚綸見招同人  
畢至即攜以共賞酒邊紀事用尚綸秋聲韻

陶家三徑遊人冷花市團團帶圍影歸來我友送窮秋  
同好堪公異種幽鷗盟結念原屬此借酒相看聊復爾



只須取醉兩三枝何用圖南九萬里素絲易染墨子悲

玲瓏一擲組珮垂今用陞官勸酒圖功成早退今宵事莫使挑燈

人皺眉尚綸近歲納姬

過錫山閱明初真性海禪師竹爐詩卷見吳匏

菴錢鶴灘陸龍臯諸先生題詠甚夥有志效顰

而逡巡焉既歸獲展庶公梅林圖冊輝映後先

欣賞不置因用原韻以識二首庶公本龍臯先生八世孫

第一流評第二泉清香巧倩此君煎製翻鴻漸千年後

名壓龍峰十世前林下留題多絕調禪餘把翫任高眠

幾番得失叅蕉夢緗錦裝成趙璧全近中丞末公什襲付山僧

曠絕情懷讓老禪兩朝相感勝同年臥遊雲窟泉流近

虛聽松聲月影娟七十三人成往蹟記前朝留名卷中者詩書畫友

叶良緣圖為同社王子彭巖筆竹爐手卷梅林冊留與千秋一樣傳

庚寅十二月十七日立春即事

亭前嫩蘂發枯槎九十春光二七賒烏鵲報晴驚曉夢

青牛占歲樂田家三餘課子分陰惜一晌留賓刻漏加

尚綸身道曆數新年恰半百懸知殿上已簪花用宋隆興二年是日立春事

辛卯正月二十日雨阻壽白之祀越四日同人



集草堂補行張燈以侑限賦五律春宵二韻

六載延尸祝千秋長慶人梅紅樊口吐香裊柳腰伸老

伴情懷舊晴光物色新補天移此日

補天穿本正月廿日江東俗以廿四日

增作

上元春

彌旬須我友會別只今宵

遲彭巖方至又即有補陀之行

燈火星躔聚人蹤

萍梗飄興來雲一甕坐抵月三橋自古祈黃耆何曾大

斗饒

辛卯四月八日得孫彌月誌喜二首

暉出

豈是瞿曇有宿因涌蓮七步及茲辰坊誇富貴非吾想

市訝神僊竟爾真祖硯香留欣可託柴門松老冀重新

弄璋何物差堪代篋裏金錢月一輪

葵榴鬪錦艷如春親串相期彌月辰穰穰文壇遲酒國

呱呱樓畔望江津

時兒曹以試事滯江上

賺他湯餅書三宿

鐵州

助我

雲山抵萬縉

彭巖

昨夜池亭霖雨至髯翁有喜倍含嚔

九月二十六日白門歸棹攜顥燦兩兒登金山

仍用前度十一尤韻

攜幼登臨老興稠順流重過此山頭十年蹤跡渾如醉

一覽風光總是秋名搨舊觀全韞匱

覓筴江上先生石刻不得

梵宮新



禁半妝樓何當舟子催歸急咫尺翩躚未可求欲往焦山祈夢未果

長至前五日偕尚綸約同人小集閱宋邵堯夫

所題壽星圖中有世俗傳寫失真之感因推廣

其類如干種即用分題得鍾進士圖

終南進士攫鬼手胡為鬼形先自醜藍袍破帽本其真

觸階有恨人知否畫師翻寫紛流傳執笏張蓋強听然

畢竟鬚眉不可改怒目奮劒鬼膽寒勝朝賜筆匪彝思

展卷研硃鬼為侍卷中題句說明良曠代知音抒齋志

輟武修文及第魂一德太平除耗誓已上六語紀明宣廟寫賜東楊者吁嗟

醜容未必真真醜未必畫世上妍媸何足憑筆底波瀾

千變化君不見長安游俠妝少年東塗西抹裘馬翩

壬辰正月二十送呂四尚綸之南昌

之子洪都去吟壇少盍簪梅堪當柳折杯尚泥燈深檠

戟虛高座奚囊有國琛一帆何必助下榻自傾心

四月十二燦兒生子仍用前小佛彌月辰字韻

阿兄剛睽弟生辰玉樹樓前歡笑頻浴佛有靈聯抱送

徵蘭無夢亦堪珍敢誇珠顆一堂聚且喜螽斯兩代詵

和氣致祥家訓在明年豹隱又麟振豹隱齋名願兒所居



五日禁龍舟二首

上官何事酷相傾  
綵繒橫江恨未平  
豈是三閭終吐我  
白雲尖上寂無聲

越王作俑刻舟聞  
以戲為極好事紛  
不道今朝煞風景  
邨姑省得借紅裙

戲祝荷花誕

和友人韻

聞說吳娃蓮獻壽  
如何此日壽稱蓮  
歡心天寶人逾舊  
天寶十五載是日崔圓奏歲稔民安上大悅  
好夢江亭扇正圓  
放翁是夜夢友同集江亭有團扇家家畫放翁之句  
即是空寧徇俗生  
何曾滅更參禪  
莫言開謝崇朝事  
歲

歲靈椿比大年

清閼閣

刪改舊作

秋林淡如雲  
癖性潔於水  
高士非絕人  
小築避俗浼  
盟  
頽祛纖塵  
琴書無點滓  
充類至庭柯  
偶污亦為洗  
吁嗟  
陳柏言名累  
尚以米

哭佛孫

九月晦日

清眸方面好男兒  
五日睽離四日辭

予適過梁溪歸時驚症已劇

纔學語

時忽不語斷腸戲  
作去麴工時

甫期見家人造麴嘗戲學其狀

爾祖得男剛十九  
誰知衰艾且無孫  
盈虛易理從今悟



有意還來產德門





